

## **Puo ka Moapostola wa Setereke Kriel ka NACTV, ka la 07 Phupjane 2020**

### **Tlhaliso**

Tsebiso ena ke molaetsa ho maloko a rona a South Africa, le Lesotho, le Botswana, le eSwatini le Namibia

Pele, ke lakatsa ho leboha basebetsi ba etelletsengpele ho lwantsha bohloko le bohle ba entseng hore re kgone ho tiisetisa nako ena ya thibelo ya metsamawo ya batho. Ke leboha baahi bohle ba tshwarisisang ditaello mme ba apara tse thibelang melomo le dinko tsa bona, le ba hlapang matsoho ka nako le nako mme ba siya sebaka mahareng a bona le batho ba bang. Bohloko bona bo tla dula le rona. A re ithuteng ho phela le bona.

Re tla tswelapele ho rapela hore seenti se fumanehe kapelenyana. Ho fihlella moo, ho thibela ho hasana ha bohloko bona ke karabelo ya rona. Haele hore e mong e lemong a etsa jwalo, re tla ba le katleho e ntle.

### **Mantswe a teboho**

Ke lakatsa hore RE A LEBOHA HAHOLO ka mokgwa o kgethehileng ho ba bangata ba hlokomelang batho ba hlokang. Nakong ena, tshehetso ya kelello le ya maikutlo ke ntho ya bohlokwa jwaloka ho abela motho dijo tsa mmele wa tlhaho. Batho ba bangata ba dula ba le nnotshi, ba bang ba bangata ha ba fumane tshehetso ya maikutlo mme ba tshwanelwa ke ho sebetsana le kगतello ya bohloko bona ba kgethollotswe setjhabeng.

Ke leboha Batswadi, le matijhere a Sekolo sa Sontaha le baruti ba etsang kahohle kamoo ba ka kgonang kateng ho abela bana ba rona dithusa thuto ha ba ntse ba le malapeng a bona – ke hore ho ba senolela dithuto. Ntho ya pele ke hore dithusa thuto tsena di fumanwa ka maleme wohle a sebediswang kerekeng ya rona.

Batho ba batjha ba ntse ba eketsa boleng ka ho tshehetsana nakong ena.

Baetapele ba mmimo ba ntse ba tswelapele ho boloka batho ba bang ba mmimo ba ena le tseo ba di etsang nakong ena. Ho abelana ka thabo ho batho bohle.

Re leboha ba thusanang le rona ka ho hasa ditshebeletso tsa rona tse halalelang. Ka Sontaha, re fihlella makgolokgolo a diketekete tsa ba nkang karolo ka Internet, le ka satellite, le ka radio, le ka kgaso ya mehala.

Ka nnete ke leboha basebetsi ba ofisi ba fetotseng malapa a bona hoba tulo e ntjha eo ba ka sebeletsang ho yona. Ke leboha le ba meloko ya bona, bakeng sa mokgwa ona o motjha wa ho sebetsa ha re ntse re le tsietsing ya bohloko ba corona. *Ke nahana hore kaofela ha rona re sebetsa ka matla a maholo nakong ena...* Re dikgatong tsa ho qetela tsa tekolo ya dibuka tsa ditjhelete ke ba mokgatlo wa balekodi ba Deloitte mme selemong sena e ne e le kgetlo le pele tekolo ena e etswa batho ba se tulong e le nngwe kapa ba sa bonane. Ke leboha bohle ba ileng ba tshwanelwa ke ho etsa ka ho fetisisang.

### **Qaleho ya ho kgutlela Ditshebeletsong tse Halalelang**

Kaofela ha rona re a hlokomela hore Mopresidente wa Afrika Borwa o ile a etsa kgoeletso ya hore mekgatlo ya bodumedi e neilwe tokelo ho phuthehela ditshebeletso tse halalelang ho qala ka la 1 Phupjane 2020 ka tlasa melao e itseng. Melao ena e kenyelletsa:

- ho kena ha batho ba sa feteng 50
- ho hlahlojwa ha motjheso wa mmele tshebeletsong e nngwe le e nngwe
- ho botsa dipotso tsa bophelo ba motho ha a kena kerekeng
- tlhopiso ya ho hlatswa matsoho a maloko le tse ding tse sebediswang tabeng ena
- ho apara dithibela melomo le dinko
- ha ho binwe jwaloka sehlopha
- ho hona ho amana le peo ya matsoho
- ho laolwa ha seemo ha ho fumanwa motho ya kulang

Ka morao ha dipuisano tse ngata tse tebileng, re entse qeto ya hore re tshwanelwa ke ho nka mehato ya ho kgutlela ditshebeletsong ka tlhokomelo e kgolo. Re tshwanelwa ke ho elahloko hore ha re senye mahlabelo ao re seng re wa entse ho fihlela hona jwale. Mehlang ya kajeno dinnete tsa maphelo di supa hore ho na le keketseho ho batho ba kenwang ke bohloko bona le tekanyo e kgolo ya ba shwang. Ditulo tseo re nang le maloko a mangata ke wona ao ho nang le diketsahalo tse phahameng tsa COVID-19.

Ka ho shebisisa tse boletsweng mona, Ke ile ka etsa qeto ke le hammoho le Baapostola le Bobishopo hore re keke ra kgutlela ditshebeletsong tse halalelang kgwedding ya Phupjane le Phupu 2020. Taba ena ha e hlalose hore re tla kgutlela ka Phato. Re tla lekanya maemo mme re le tsebise.

Re tla sebedisa nako ena ho lokisa dikereke tsa rona le ho ruta baruti ba rona hore re kgone ho ETSA TSOHLE tseo molao o di hlokanang.

## **Ditshebeletso tse halalelang tsa lepato**

Melao yohle e sebediswang bakeng sa ditshebeletso tse halalelang e sebetsa le ditshebeletsong tsa lepato. Ke rata ho kgothaletsa hore palo ya batho ba memelwang tshebeletsong ya lepato e be e nyenyane kamoo ho ka kgonehang kateng. 50 ha se sebeo empa ke tekanyetso. Matsatsing a seng makae a fetileng, re bile le diketsahalo tsa maloko a tsamaetseng ditshebeletso tsa lepato ba neng ba ena le bohloko ba COVID-19. Taba ena e ile ya tlisa kगतello e kgolo ho batho ba bang ba neng ba tlile tshebeletsong ya lepato, kereke e ile ya tshwanelwa ke ho sebedisa mokgwa wa ho batla batho le ho hlapa matsoho mme basebeletsi ba tsa bophelo ba kene mosebetsing wa ho batla batho bohle ba neng ba tlile tshebeletsong ya lepato e le mokgwa wa ho laola ho hasana ha bohloko. Diketsahalong tse hlalositsweng kahodimo maloko a ne a sa bontshe matshwao. Nakong ena, ditshebeletso tsa lepato di dumelletswa hore di ka haswa ha dintse di kene – ke ya kopa hore le ka sebedisa monyetla ona.

Jwalokaha ke bua ka mafu; ke kopa ho le hopotsa hore ditefelo tsa selemo tsa mafu di tshwanelwa ke hore di be di lefilwe ka la 30 Phupjane 2020.

## **Ke eng seo o ka se lebellang nakong ena na?**

1. Re tla tswelapele ka ho hasa ditshebeletso tsa rona tse halalelang ho tswa Cape Town le Johannesburg jwalokaha re ntse re etsa ho tlohela ha ho qala thibelo ya metsamao ya batho. Re eketsa kabelo ya maleme hore motho e mong le e mong a utlwe lentse la Modimo ka puo ya hae. Nakong ya jwale, ho na le maloko ao re sa a fihleng ka mokgwa oo re hasang ditshebeletso ka wona. Re tla sebedisa nako ena ho batlisisa mekgwa le ditsela tsohle hore ho se ke ha eba le ya sallang morao. Re leka ho netefatsa hore maloko a rona wohle a fumana kakaretso ya ditshebeletso tsa rona tse halalelang nakong ena. Tabeng ena ke lakatsa ho le hopotsa hore le lokise email address tsa lona le di nomoro tsa cellphone hore le tle le fumane dipuisano tsohle tse tswang kerekeng.

Jwalokaha ke tsebisitse nakong e fetileng, re theile komiti ya botjhaba, e re eletsa ka dintlha tsohle mabapi le ho kgutlela ha rona mesebetsing ya kereke. Ba ntse ba sebetsa ka boitelo dibekeng tse sa tswa feta mme ba tsebisa Baapostola le Bobishopo dikopanong tsa bona tsa beke le beke. Ditaba tse hlokehang tsa ditekanyetso tsa phutheho e nngwe le e nngwe hammoho le ho rutwa ha baruti ba rona di tla tsebisa Moetapele wa phutheho ya lona.

2. Taelo e nngwe ya Mopresidente e tsamaisana le tshitshinyo ya hore baruti ba kereke ke basebeletsi ba ditshebeletso tsa bohlokwa. Re amohela taelo ena. Taelo ena leha ho le jwalo e sebetsa South Africa.

Ho Kereke e Ntjha ya Boapostola South Africa, Baprista ba qollwa jwaloka basebeletsi ba bohlokwa. Taba ena ha e hlalose hore SCV ya ho kopana ha batho e ka etswa. Bakeng sa tlokeho e potlakileng ya ditaba tsa semoya e ke keng ya etswa ntle le hore batho ba kopane, taba ena e thusa moprista ho hokahana le maloko a hae.

Taelo ena e sebetsang dikerekeng e tla sebetsa hape ho Moprista e kenyelletsa le ho hlapa matsoho, le ho apara thibelo ya molomo le nko le ho ho siya sebaka mahareng a motho e mong le e mong.

### **Disakaramente le Hlohonolofatso**

**Kolobetso e Halalelang** – ha e ya dumellwa lapeng kapa kerekeng mme e tla etsahala mohlang molao o dumellang.

**Tlotsuwo e Halalelang** – ha e ya dumellwa lapeng kapa kerekeng mme e tla etsahala mohlang molao o dumellang.

**Selallo se Halalelang** – Jwalokaha ho ena le tshabo e eketsehileng ya ho fetisetsa COVID-19 ho batho ba bang, re ke ke ra keteka Selallo se Halalelang nakong ena.

Re tjhesehela ho keteka Selallo se Halalelang. Ho bao ba lebeletseng kolobetso ya ban aba bona le bao ba lebeletseng Tlotsuwo e Halalelang, ke lakatsa ho le tshedisa ka netefatso yah ore Modimo o tseba maemo ana. Mohau wa Modimo le lerato la Jesu di tla le kgurumetsa.

### **Diketso tsa hlohonolofatso**

Hlohonolofatso ya manyalo, le dihopotso tsa manyalo, le hlohonolofatso ya mme ya leng moimana le diketso tsohle tsa tsamaiso ya boruti ha di a dumellwa nakong ena.

Bao ba lakatsang ho qetella manyalo a bona ka molao, ba ka etsa jwalo lapeng kapa kerekeng ka ho ikopanya le monyadisi wa tulo ya hae. Naheng ya South Africa, tekanyetso ba batho ba 5 (monyadisi, banyalani le dipaki tse pedi).

### 3. Dikabelo

Ke rata ho sebedisa monyetla ona ho leboha bohle ba ntseng ba tswelapele ho ntsha dikabelo tsa bona ka botshepehi ka tlasa maemo ana a boima.

Re elelletswe hore bakeng sa maloko a rona a mangata ho tlisa dikabelo ha ho aka ha ba bonolo. Ba bang ba fetohetse ho ntsha dikabelo ka tshebediso ya electronic. Ke le hopotsa hape hore, mokgwa ona o dumellwa haholo kerekeng jwalokaha o tlosa mokgwa wa ho tshwara ditjhelete ka matsoho.

Ho arabela ho maloko a rona a tla ratang ho ntsha dikabelo tsa bona empa ba sa kgone mokgwa wa electronic, ke thabela ho eletsa hore re entse kontraka le Easy Pay. Jwale ho se ho kgoneha hore maloko a kenye dikabelo tsa wona ho seo dintho di tswang ka sona tse 9,500 naheng yohle ya South Africa.

Moetapele wa phutheho le Moprsta wa lona o tla fumana tsebiso kamoo ntho eo dintho tswang ka yona e tla sebediswang kateng. Ka puo e bonolo, o ka kenya dikabelo tsa hao mabenkeleng a mangata a South Africa (ka bomadimabe ketso ena e ke ke ya kgoneha fatsheng la Botswana, le la eSwatini, le la Lesotho, le la Mozambique, le la Namibia). Ke a elellwa hore taba ena ke phethoho e kgolo ho rona. Re dula ka thut ya hore dikabelo tsa rona ke tholwana ya teboho ho Modimo; mme ke pontsho ya tumelo ya rona le tshepo ya rona ho Wona. Ho bao ba nang le katamelo e lekanyeditsweng ya ho sebedisa banka ya electronic, mokgwa ona wa ho ntsha dikabelo ke wona o dumellwang jwaloka ho tshwara ditjhelete ke tshabo ya fetisetsa COVID-19 ho batho ba bang.

Batho bao ba iphumanang ba le maemong a sa tshwanelang kappa ho se kamoo ba ka ntshang dikabelo tsa bona ka mabaka a itseng. Ke batla ho tlosa maikutlo ao le nang le wona a molato. Ke kopa hore re rapele kamehla yohle hore maemo a loke hape.

Morena o tseba pelo ya hao mme letsoho la Hae ha le lekgutshwanyane hore a ka ho hlohnolofatsa.

### 4. Ditjhelete tsa kereke

Kereke e fumana tjhelete ho tswa dikabelong tsa botshepehi tsa batho ba Modimo. Ke ntlha ya nnete hore ditjhelete tsa kereke di kgutsufaditswe haholo dikgweding tse fetileng.

Ke kgona ho etsa tiisetso ya hore re fokoditse ditjhelete tsa tshebetso mme ka baka leo basebeletsi bohle ba entse mahlabelo a ditefelo.

## **5. Ditsebiso**

Tshebeletso ya Hloho ya baapostola – ka la 14 Phupjane ka 09h00, ho tswa Strasbourg bakeng sa lefatshe la Zambia – e tla tsamaiswa ka English.

Ka la 21 Phupjane 2020, Moapostola Nene o tla tshwara tshebeletso e halalelang ho tswa Silvertown. Tshebeletso ena e halalelang e tla tsamaiswa ka seXhosa mme e tla fetolelwa ho English.

Ka la 28 Phupjane 2020, Moapostola Swartbooi o tla tshwara tshebeletso e halalelang ho tswa Sandton. Tshebeletso ena e halalelang e tla tsamaiswa ka Afrikaans mme e fetolelwe ho English.

Ke tla le sebeletsa ka la 5 Phupu 2020. Kamorao ho tshebeletso eo e halalelang ke tla le tsebisa ka meralo ya ho kgutlela ditshebeletsong tse halalelang.

**DA John Kriel**

07 Phupjane 2020